

## Акафист Рождеству Пресвятой Богородицы

### Кондак 1

Избрáнной от всех родов Бóжией Мáтери, небесí и земли Царíце, освятíвшей род человéческий пришéствием к нам во всечестнём рождествé Своём, благоговéйная пéния принóсим Ти рабí Твои́, Богорóдице. Ты же, я́ко пришéдшая на утешéние и спасéние нáше, от всяких нас бед свободí, да зовём Ти: Рáдуйся, Пречíстая, весь мир рождествóм Своём возвеселíвшая.

### Икос 1

Архáнгел Гаври́л по́слан бысть к праведней Áнне, егда́ та в скорби непло́дства своего́ возопí ко Гóсподу из глубинí сердéчныя, узрéвше в саде своём гнёздо птíчье, птенцы́ мáлыя имúщее, и благовестí ей рáдость вéлию, глаго́ля: «Услы́шана моли́тва тво́я, слéзы же твои́ пред Бóгом внидо́ша, и се роди́ши Дщерь преблагословéнную, о Нейже возблагословя́тся вся колéна земна́я, наречéтся же íмя Ей — Марíя». Сему́ рáдостному обетовáнию чудя́щаяся, возопиём Препблагословéнной:

Рáдуйся, от благорóднейшаго ца́рскаго ко́рене Иоакíмом произращённая;

ра́дуйся, от священнейшаго архиерéйскаго рóда Áнною рождéнная.

Рáдуйся, прародíтелей нáших от тли смёртныя свободíвшая;

ра́дуйся, родíтелей Твои́х поношéния безча́дства разрешíвшая.

Рáдуйся, святáя врата́, на востóк зря́щая, рождествóм Своём ёже от непло́дове отвёрзшая;

ра́дуйся, дéвственная Двéре заключéнная, вхо́да Святíтеля Вели́каго ожида́ющая.

Рáдуйся, слез мáтере Твое́я на рáдость пременéние;

ра́дуйся, то́я поношéния в лю́дех отъя́тие.

Рáдуйся, вели́кое рóждшим Тя утешéние;

ра́дуйся, всему́ мíру наслаждéние.

Рáдуйся, па́дшаго Ада́ма воззвáние;

ра́дуйся, слез Ёвиных избавлéние.

Рáдуйся, Пречíстая, весь мир рождествóм Своём возвеселíвшая.

### Кондак 2

Видя́щи праведная́ Áнна вели́каго Архáнгела явлéние, и слы́шавши глаго́лы его́, поклонíся Бóгу и рече́: «Жив Гóсподь Бог, я́ко а́ще рождú отрочá, дам ё в слúжбу Емú, да бúдет служá и хваля́ Íмя Его́

свято́е день и но́щь во вся лѣта живото́а своегó». Испóлнися же рáдости неизглагóланныя, течé во Иерусали́м со тщáнием, да та́мо в цѣркви воспóет Бóгу благодарственнó: Аллилúиа.

## Икос 2

Рáзум чист имéяй пред Бóгом прáведный Иоакíм, обáче от людéй отвѣржен бысть во хра́ме безча́дия рáди, и в скóрби сей íде в пусты́ню, и та́мо моля́ся со слезáми, речé: «Не вложú во уста́ моя́ пи́щи, ни в дом мой возвращúся, но слéзы моя́ пи́щею ми да бúдут и пусты́ня — до́мом, дóндеже посетíт мя Госпóдь Бог Изра́илев». И се А́нгел Госпóдень явíся е́му и благовестí, я́ко родíтся е́му Дщерь, о Ея́же рождествé рáдость бúдет все́му мíру. Сéю рáдостью испóлнися, íде в Иерусали́м, и та́мо кúпно с А́нною прослáвиша Бóга, глаго́люще Обетова́нной:

Рáдуйся, от лет дрéвних все́ми ча́емая;

ра́дуйся, от всех проро́к я́ве предречéнная.

Рáдуйся, от сложéния мíра Бóгом предызбáнная;

ра́дуйся, от падéния прародíтелей грéшным обетова́нная.

Рáдуйся, совете неизречéнный предвѣчнаго попечéния;

ра́дуйся, óбразе благонапíсанный Божѣственнаго Предвѣдения.

Рáдуйся, свíтче одушевлéнный, в нёмже пѣрстом Бóжиим написáся Сло́во;

ра́дуйся, истóчнице присноживóтный, из Него́же изобíльно источíся благовѣстие Христóво.

Рáдуйся, Боготкáнная порфíро, в Ню́же облечéся Предвѣчное Сло́во;

ра́дуйся, благоухáнное мíро, в Него́же вселíся благодáть Дúха Пресвята́го.

Рáдуйся, пáче зláта всякаго блиста́ющая, нерукотворéнная палáто Премúдрости Бóжия;

ра́дуйся, úтра всякаго со́лнечнаго светлѣйшая, жили́ще Христóво.

Рáдуйся, Пречíстая, весь мир рождествóм Сво́им возвеселíвшая.

## Кондак 3

Сíла В́шняяго осení тогда́ к зачáтию заматорѣвшую во днех сво́их прáведную А́нну, и непло́дная тоя́ ложесна́, я́ко нíву показá благоплóдную, да прозя́бнет от нея́ на рáдость все́му мíру, в скóрби погиба́ющему, селó слáдкое, Прεблагословéнная Дѣва Марíя, всем хотя́щим жáти спасéние и воспевáти из глубины́ душéвныя: Аллилúиа.

### Икос 3

Имуща, Пречистая, родители Твоя житие непорочное, зачаша Тя в старости добрей, не плотским сладетм прилежаще, но в целомудрии и воздержании подвижающа, да явится в рождестве Твоем не естества произволение, но благодати Божия сила, естества чин побеждающая, и да познают вси, яко молитва вкупе и воздыхание неплодства прозябе Тя, плод живоносен миру. Сего ради почитающе всеславное зачатие Твое, поем Тебе сицевая:

Радуйся, неплодныя матери увеселение;  
радуйся, безчадных родителей утешение.  
Радуйся, от суха корене Иессеова прозябшая;  
радуйся, и цвет от него Христа произрастившая.  
Радуйся, яко еще в зачатии Твоем естества уставы побеждаются;  
радуйся, яко сим Твоего девства в рождестве сохранение предвозвещается.  
Радуйся, яко оттоле возвешае ветри спасения провозвестницы;  
радуйся, яко отонудуже плод рождати благодать начинает.  
Радуйся, яко Тобою естества нашего неплодство побеждается;  
радуйся, яко Тобою праматерняя клятва разрешается.  
Радуйся, всемирныя радости провозвещение;  
радуйся, начало нашего спасения.  
Радуйся, Пречистая, весь мир рождеством Своим возвеселившая.

### Кондак 4

Бурею печалей и скорбей многих одержими бывше праведных родители Твоя, Пречистая, яко до старости бесплодни быша, мняще, яко недостойни имети наследие во Царствии Божием. Сострадаше же с ними от века о неплодстве естества нашего вся тварь, суете повинувшия: стенет убо Адам, яко проклята бысть земля его ради; рыдает же и Ева, яко умножишася печали и болезни ея; совоздыхает же с ними и весь род человек, тлению приобщився. Егда же, о Богомати, рождеством Твоим разрешися древнее неплодство и тление потребися, вся тварь благодарственне о Тебе возопи Богу: Аллилуиа.

### Икос 4

Услыша Господь Бог праведных Иоакима и Анны воздыхания и дарова им по обетованию Архангелову Дщерь Пречистую и Преблагословенную, Деву Марию, спасения нашего начало и ходатаицу, о Еяже рождестве небо и земля возрадовастася, Ангели и Архангели возвеселишася, люди же, прославивше Бога, воспеша сице:

Рáдуйся, Марíе, великое всея твáри чúдо;  
рáдуйся, Дщи Давíдова, Госпóдня же Мáти.  
Рáдуйся, единая в женах благословénная;  
рáдуйся, от Áнгел на небесéх препрослáвленная.  
Рáдуйся, зарé незаходíмая, свет мíрови возсия́вшая;  
рáдуйся, лампадо неугасíмая, ночь скóрбей просветíвшая.  
Рáдуйся, я́ко видéние зра́ка Твоегó Áнгелом преслáдостно;  
рáдуйся, я́ко явлéние Твоé мíру челове́ком прера́достно.  
Рáдуйся, но́вый раю́, на земли насаждéнный;  
рáдуйся, свéтлый черто́же, Небéсному Царю́ преукрашéнный.  
Рáдуйся, пала́то Дúха Пресвята́го;  
рáдуйся, скíния Бóга с челове́ки.  
Рáдуйся, Пречíстая, весь мир рождество́м Свои́м возвесели́вшая.

### Кондак 5

Боготéчную звездú, от Назарéта возсия́вшую и весь мир просветíвшую, зрим Тя, Пресвята́я Дéво: мал бо бе град, егóже освятила еси́ рождество́м Твои́м, и презира́ем бе у людéй, чесó рáди вси глаго́лаху: «От Назарéта мо́жет ли что добро́ бýти?» Обáче нéмошная и уничи́женная избрá Бог, да крéпкая посра́мят, и яви́ от Назарéта Тя все́му мíру Цвет Неувяда́емый, дéвством присноцветúщий, всех святýх святéйшую Дéву, грехá во всем житий Своём ни еди́наго же позна́вшую, да вси о Тебé благодарственно воспоём Бóгу: Аллилу́иа.

### Икос 5

Ви́девше родíтели Твоя́ чúдное рождество́ Твоé, Пречíстая, принесóша Бóгу да́ры вели́кия, и благословéнны бýша от священник и от всех людéй, я́ко восприя́вшия благословéние Бóжие, и сотвори́ша учреждéние вéлие в дому́ своём, веселя́щися дúхом и прославля́юще Бóга. Помина́юще же обетова́ние Áнгельское, почита́ху Тя, я́ко Госпожú Свою́, и поклонíвшися, воспéша Тебé сýще:

Рáдуйся, прéжде всех век пронаречéнная Дúха Свята́го Невéсто;  
рáдуйся, в послéдняя времена́ явльшаяся Сы́на Бóжия Мáтерь,  
Дéво.

Рáдуйся, Бóгу Отцú Дщерь от всех родóв избрáнная;  
рáдуйся, Живоначáльныя Трóицы заря́ми дíвно осия́нная.  
Рáдуйся, вся Небéсныя Сíлы без рассу́ждения превосходя́щая;  
рáдуйся, вся дéмонския рáти посрамля́ющая и отгоня́ющая.  
Рáдуйся, все́му роду́ челове́ческому всемо́щная застúпнице;

ра́дуйся, всем ка́ющимся грёшником всеми́лостивая ходатаице.  
Ра́дуйся, честных́ жен похвало́;  
ра́дуйся, чистых́ дев сла́во.  
Ра́дуйся, от ма́лаго Назаре́та добро́ всему́ миру́ принёсшая;  
ра́дуйся, да́же до послéдних землй́ любóвию Своёю́ всех  
покрыв́шая.  
Ра́дуйся, Пречи́стая, весь мир рождество́м Свои́м возвесели́вшая.

### Кондак 6

Проповéдницей пришéствия Христо́ва в мир Тобо́ю, Богороди́це, бысть пра́ведная Елиса́вета, егда, узрéвши Тя, в дом ея́ грядúщую, изы́де на срéтение Твоё и возопи́ гласом вéлиим: «Благословéнна Ты в жена́х и благословéн Плод чрэ́ва Твоего́. И откуда́ мне сиé, да при́иде Ма́ти Го́спода моего́ ко мне?» Си́це и мы, пресла́вное рождество́ Твоё, я́ко посещение́ землй́ на́шея, пра́зднующе, срета́ем Тя привéтствием сим: Благословéнна Ты в жена́х, и благословéн Плод чрэ́ва Твоего́, Емúже вси благодарственно́ да воспоём: Аллилу́иа.

### Икос 6

Возсия́ ра́дость рождества́ Твоего́, Пречи́стая, не то́чию пра́ведным роди́телем Твои́м, но и всем бли́жним и далéче сúщим, и да́же до конéц вселéнныя, я́ко Бог, на разу́мных Престо́лах почива́й, Престо́л Свят Себе́ предугото́ва уже́ на землй́, и Заря́ но́вая яви́ся, предвозвеща́ющи Со́лнца пра́вды Христа́ пришéствие ско́рое. Сего́ ра́ди воспоём Ти, Чи́стая, си́це:

Ра́дуйся, зарé светл́йшая, вели́каго Со́лнца Христа́ провозвёстнице;

ра́дуйся, лучé незаходима́я, Невечéрняго Свёта роди́тельнице.

Ра́дуйся, огнём Твои́х моли́тв челове́ки от страсте́й очища́ющая;

ра́дуйся, росю́ Твоея́ благода́ти пла́мень ге́нны охлажда́ющая.

Ра́дуйся, о́блаче Свёта Божéственнаго, всякое помрачéние разоря́й;

ра́дуйся, благоухáнное кади́ло, моли́твы ве́рных к Сы́ну Твоему́ вознося́щее.

Ра́дуйся, небéсный киво́те, от превы́шних к земным́ пренесéнный;

ра́дуйся, огнеобра́зный престо́ле, Небéсному Царю́ на землй́ угото́ванный.

Ра́дуйся, ски́нию Дави́дову па́дшую возста́вившая;

ра́дуйся, превы́шний Иерусали́м небéсный на землй́ яви́вшая.

Ра́дуйся, пречестную́ багрянницу́ от кровей Твоих А́гнцу Бо́жию приугото́вившая;

ра́дуйся, Боготка́нную порфи́ру Сло́ву Бо́жию от плоти́ Твоея́ истка́вшая.

Ра́дуйся, Пречи́стая, весь мир рождество́м Свои́м возвесели́вшая.

### Кондак 7

Хотя́й долготерпели́вый Госпо́дь яви́ти бездну́ человеколю́бия Своего́ к па́дшему дре́вле в рай ро́ду челове́ческому, даде́ та́мо прароди́телем на́шим обетова́ние, я́ко се́мя жены́ сотре́т главу́ зми́я, в послéдняя же времена́ испóлни на Тебе́, Пречи́стая, первообетова́ние Своё, избра́в Тя Еди́ну от всех родо́в в Ма́терь Себе́, да рождество́м Твои́м сотре́ши главу́ дре́вняго зми́я, чесо́ ра́ди благодарственно́ воспоём Бо́гу: Аллилу́иа.

### Икос 7

Но́вая стра́шная и чу́дная та́инства Твоя́, Богороди́це, и но́вый яви́лся е́сть исто́чник жи́зни вме́сто Е́вы чу́вственные: та бо, повину́вшись зми́ю, нача́ло положи́ отвраще́ния лица́ Бо́жия от челове́к и печа́ль роди́ жена́м. Твой же Сын, о Де́во, И́же Е́вину утробу́ осуди́ ражда́ти ча́да в болезнех, во Твое́ чре́во всели́ся безболезненно́, ключи́ де́вства не вреди́вый в рождестве́ Твоём. Сего́ ра́ди Тобо́ю ра́дуется па́дшее челове́ческое естество́, вме́сто дре́вняя кля́твы свобо́ду Христо́ву получи́вшие: Тебе́ послéдующе, жены́ я́ве враги́ побежда́ти начина́ют, де́вства держа́щиеся и вопи́юще Тебе́ тако́вая:

Ра́дуйся, Божество́нною сла́вою преукраше́нная;

ра́дуйся, чистото́ю де́вства превознесённая.

Ра́дуйся, па́дшее челове́ческое естество́ обожившая;

ра́дуйся, жен от дре́вняя печа́ли свободи́вшая.

Ра́дуйся, красото́ю де́вства Твоего́ Гаври́ила удивившая;

ра́дуйся, пресвётлою чистото́ю Твое́ю А́нгельския собо́ры неизмери́мо превосше́дшая.

Ра́дуйся, двéре непроходи́мая, Еде́м заключённый отвёрзшая;

ра́дуйся, кни́го запечатлённая, неведо́мая та́йны Бо́жия вме́стившая.

Ра́дуйся, благоуханны́й крине́ де́вства;

ра́дуйся, неувяда́емый цве́те чистоты́.

Ра́дуйся, небесное́ де́вство на земли́ насади́вшая;

ра́дуйся, двéри райския́ па́дшим отвёрзшая.

Ра́дуйся, Пречи́стая, весь мир рождество́м Свои́м возвесели́вшая.

### Кондак 8

Стра́нное рождество́ Твое́ от непло́дове ви́дяще сла́сти не прича́стное, но от целому́дрия и воздержáния просия́вшее, устрани́мся суетна́го ми́ра, и вся́каго нецелому́дрия душе́внаго и телéснаго, ум и сердца́ на небеса́ прелóжше. На си́е бо пришлá еси́ в ми́р, Мати́ целому́дрия, да ни́жняя возведéши к гóрней высотé, и да научи́ши всех чи́стыми усты́ и несквэрным сёрдцем воспевáти Бóгу: Аллилу́иа.

### Икос 8

«Вся добра́ еси́, бли́жняя Моя́, и поро́ка несть в Тебе́. Возстáни, прииди́, Голуби́ще Моя́, яви́ Ми зрак Твой и услы́шан сотвори́ Ми глас Твой, я́ко глас Твой сла́док и óбраз Твой крáсен. Еди́на еси́ мáтере Твоея́, избрáнна еси́ родившей Тя», — тако́ глаго́лаше Сын Твой и Господь, Пречи́стая, сретáя е́же от непло́дове рождество́ Твое́. Сему́ Божéственному гла́су внéмлюще, дерзáем воспевáти Тебе́ тако́вая:

Ра́дуйся, Цари́це, одесну́ю Царя́ Христа́ предста́вшая;

ра́дуйся, Влады́чице, в ризы́ позлащённы́ дéвства одéяная и преукрашёная.

Ра́дуйся, Ея́же добрóты возжелá Царь Небéсный;

ра́дуйся, Имже бли́жнею и дóброю в жена́х наречéна была́ еси́.

Ра́дуйся, восходя́щая от пусты́ни, я́ко óблак дýма, смíрну и ливáн кадя́й;

ра́дуйся, ми́ро излия́нное, благоухáние от небéснаго мировáрца износя́щее.

Ра́дуйся, вертогра́де заключённый, в него́же никто́же возмо́жет взы́ти;

ра́дуйся, кла́дезю запечатлённый, от егóже глубины́ никто́же возмо́жет испи́ти.

Ра́дуйся, блиста́ющая, я́ко утро, во тьме сидя́щим;

ра́дуйся, восходя́щая, я́ко луна́, избрáнная, я́ко со́лнце.

Ра́дуйся, исто́чнице воды́ живóтныя, приснотеку́щая от престóла Бóжия;

ра́дуйся, дре́во жи́зни, присноцвету́щее посреде́ ра́я.

Ра́дуйся, Пречи́стая, весь мир рождество́м Свои́м возвесели́вшая.

### Кондак 9

Вся́кое естество́ А́нгельское ра́достию возра́довася, прославля́юще Бóга, егда́ по рождестве́ Твоём, Пречи́стая, святите́ль вели́кий со

иереи и люди избранны прииде в дом родителей Твоих, молитвы благодарственныя возсылающе. Егда же благослови Тя, воздвиге глас Свой, глаголя: «Бóже отец наших, благослови младенца сего и даруй Ей имя, да будет прославлено во все роды». И нарече Тебе имя Марія, великое и благодатное, людем пресладостное, демоном же страха исполненно, и возопи с веселием: Аллилуиа.

### Икос 9

Ветия многовещанныя, яко рыбы безгласныя, недоумевают, како воспети Твою равноангельскую от младенческих пелен чистоту, Пречистая, юже дарова Ти Господь, да представит Тя, Матерь Свою, не имущу скверны или порока или нечто от таковых, но да будеши свята и непорочна. Сего ради мати Твоя со тщанием соблюдала Тя в непорочней чистоте, да никакоже Одушевленному Кивоту Божию коснется рука скверных: та бо освяти ложе Твое и себе саму отчуждала от всякия скверны и призва чистыя девы хранити покой Твой. И егда сосцы питаша Тя, молитву даяша, да с млеко матерним наипаче напиташися Божиим словом. Таковой непорочней чистоте Твоей чудящися, вопиём Ти сице:

Радуйся, от младенчества Твоего ни единого греха познавшая;  
радуйся, от рождества Твоего всех святых святейшая.

Радуйся, молитвою паче млека одоенная;

радуйся, словом Божиим паче хлеба насыщенная.

Радуйся, небесное произрастание, на земли насажденное;

радуйся, райское прозябение, от родителей Твоих воспитанная.

Радуйся, чистая голубице, Еяже чистоты не бе достоин мир весь;

радуйся, нескверная агнице, Еяже непорочность яви Ю достойну Матерь Христу.

Радуйся, манием Вседержителя от неплодове плод возсиявшая;

радуйся, достойное Твоея чистоты рождество восприявшая.

Радуйся, яко от восток солнца до запад хвально имя Твое;

радуйся, яко от всех родов благословенна Ты в женах.

Радуйся, Пречистая, весь мир рождеством Своим возвеселившая.

### Кондак 10

Спасти хотяй мир от прелести вражия, Человеколюбец Господь избра Тя от земнаго рода, от малаго града и от неплодныя утробы в Матерь Себе, от века предопределенную, пророки же древле проповеданную, ходатаицей быти нашего спасения, да будеши печальным и в бедах сущим скорое утешение и мирскаго неплодства



разрешение, всем же во мраце грехá блуждающим да явиши Сólнце правды Христá, поющим Ему: Аллилуиа.

### Икос 10

Стенá еси и прибежище всем человеком, Богородице Дéво, Твоé рождество празднующим: Ты бо от чертога мáлаго Град Бóжий сущая, éже б́ити начинаеши, и от утробы нерождающия исход совершаеши, да уготоваеши вход Святителю Великому: Ед́ин бо Бог Тобою прóйде странную стезею, неопальну Тя сохранив. Сего́ ради со дерзновением зовём Ти, еди́ней ч́истой и благословенней, таковáя:

Рáдуйся, на небесех преблагословенная;  
рáдуйся, на земли препрославленная.  
Рáдуйся, Ангелов радосте и увеселение;  
рáдуйся, земнородным отрадо и утешение.  
Рáдуйся, горлице богогласная и незлобивая;  
рáдуйся, юнице краткая и тихая.  
Рáдуйся, Д́уха Всесвятаго храме святейший;  
рáдуйся, небеснаго уневещения чертоже чистейший.  
Рáдуйся, росá Аермонская, на горы Сионския сошедшая;  
рáдуйся, алавастре м́ира многоценнаго, зéмлю облагоухавшая.  
Рáдуйся, граде Бóжий, от чертога мáлаго прозябение;  
рáдуйся, в Назарéте граде от с́уха кóрене произрастание.  
Рáдуйся, Преч́истая, весь мир рождеством Своим возвеселившая.

### Кондак 11

Пéние благодарственное воспеваёт д́ухом Иоаким ч́удный и праведная Анна, я́ко видеша на земли Мáтерь Создателя, Ю́же родиша дочь Марию. С ними же и мы, Владычице, равноч́исленнии песка́ морскаго пёсни приносим Ти, восхваляюще преславленное от неплодных ложесн рождество Твоё, благодарственно воспевающе Бóгу: Аллилуиа.

### Икос 11

Светопримную свещу́, в но́щи богоневедения рождеством Твоим преславно возжённую, видим Тя, Пресвятáя Дéво: всем бо, во тьме грехá и сени смёртней сидящим, возсияла еси свет, радость, благодáть и разрешение древния клятвы, Ёвы́ ради б́ввшая: из Тебé бо возсия Сólнце правды Христós Бог наш, просвещáяй сущия во тьме, вопиющия в похвалу́ Тебé таковáя:

Ра́дуйся, заре́ дне не вечерняго, врата́ Ца́рствия Христо́ва  
отве́рзшая;

ра́дуйся, деннице́ светле́йшая, спасе́ние нам возвести́вшая.

Ра́дуйся, звездó незаходи́мая, Вели́кое Со́лнце в мир сей вводи́щая;  
ра́дуйся, свеще́ светоза́рная, дре́внюю тьму грехо́вную  
разгоня́ющая.

Ра́дуйся, исто́чнице живино́сный, жизнь всем подаю́щий;

ра́дуйся, свети́льнице, пре́жде со́лнца свет нам источи́вший.

Ра́дуйся, ещѐ су́щей тьме заря́ми благода́ти нас просвети́вшая;

ра́дуйся, Ма́ти Све́та У́много, благода́тию всю вселе́нную  
озари́вшая.

Ра́дуйся, невесто́ Черто́га светосия́ннаго;

ра́дуйся, сия́нием ри́зы Своея́ всю поднебе́сную облистáвшая.

Ра́дуйся, Женó, облече́нная в со́лнце, в мир на спасе́ние  
погиба́ющим явля́ющаяся;

ра́дуйся, под нога́ма Свои́ма луну́ иму́щая, от двоюна́десяте звезд  
увенча́нная.

Ра́дуйся, Пречи́стая, весь мир рождество́м Свои́м возвесели́вшая.

### Кондак 12

Благода́ти тезоимени́тая блаже́нная А́нна веселится́ и хва́лящися  
вопи́ет: «Непло́ды су́щи, роди́х Бо́жию Ма́терь, Ея́же ра́ди осужде́ние  
Е́вино разреши́ся и я́же в печа́лех боле́знь». И тако́ раду́ющися, даде́  
обетова́ние, да приведе́т Дщерь свою́ ро́ждшуюся Бо́гови и да бу́дет  
Ему́ в дар соверше́н от всех родо́в земны́х, челове́ком же в ве́чное  
утеше́ние и ра́дование, во е́же пети́ им вѣну: Аллилу́иа.

### Икос 12

Поём Твое́ Пречи́стое рождество́, чтим и несказа́нное зача́тие,  
покланя́емся са́мым пелена́м Твои́м, Невесто́ Богозва́нная и Де́во;  
славосло́вят же с на́ми вку́пе Твое́ в мир пришѐствие А́нгелов и  
Арха́нгелов чи́ни и душ святы́х собо́ри: о́бщая бо ра́дость возсия́ на  
небеси́ и на земли́ от пра́ведных Иоакима́ и А́нны рождество́м Твои́м,  
Богоро́дице, егóже прославля́юще, вопи́ем Ти тако́вая:

Ра́дуйся, Всенепоро́чная, по Святе́й Троице́ о́бщая всех А́нгел и  
челове́к Влады́чице;

ра́дуйся, Всеблагослове́нная, по Уте́шителю о́бщая всех на небеси́ и  
на земли́ уте́шительнице.

Ра́дуйся, красото́ в деснице́ Господне́й, украша́ющая блажа́щих Тя  
всех небе́сных;

ра́дуйся, утешѣние Вседержителево, возвеселяющее призывающих  
Тя всех земных.

Ра́дуйся, небо небес, вся Ангельския силы без сравнения  
превосходящая;

ра́дуйся, чудо чудес, всех человеков персть в Тѣло Божие  
созидающее.

Ра́дуйся, царѣце царѣц, всей вселенней предел соделовавшая  
греховному растлению;

ра́дуйся, святая святых всей Цѣркви Христовой, начало  
положившая нашему спасению.

Ра́дуйся, Боголепная Девѣце, всех времен и веков Божие  
благословение;

ра́дуйся, Богоизбранная Отроковице, всех язык и родов  
благодатное примирение.

Ра́дуйся, столпе дѣвства, всем дѣвства желающим доброту дѣвства  
яве низпосылающая;

ра́дуйся, двѣре спасения, всем спасения чающим руку помощи  
вскоре подающая.

Ра́дуйся, Пречистая, весь мир рождеством Своим возвеселившая.

### Кондак 13

О, Всепетая Мати, от неплодове рождаемая на спасение миру,  
нынешняя наша о всечестнем рождестве Твоем приѣмши приношения,  
не остави нас во время живота нашего, от всякия напасти и плена  
вражия избави нас и от неплодства душевнаго разреши всех, о Тебѣ  
вопьющих: Аллилуиа.

### Молитва

О Пресвятая и Богоизбранная Дѣво, Владычице наша Богородице,  
небеси и земли Царѣце, на радость и утешение всему миру от  
безплодных и безчадных родителей Богом дарованная! Родившись  
Божиим промыслением, Ты разрешила еси неплодствие рождшия Тя,  
и ныне неплодная сердца наша плодоносны сотвори предстательством  
Твоим у Престола Вседержителя, неплодствовать же соделай ны  
злыми дѣлы, гнилыми словесы и нечистыми помышленьми. О  
Всеблаженная, да явемся чада Божия, добродетелей благоплодие  
присно приносящая. Ты утोलила еси пречистым Рождеством Твоим  
плач праматере нашей Евы и праведных родители Твоя избавила еси  
поношения безчадства, и ныне утолѣ плач и воздыхания  
многоболѣзненных душ наших и избави всех нас поношения злых дел

наших, страстей безчестия и всякаго порабощения вражескаго. Наипаче же даруй нам, Пресвятая Богородице Дево, во всесветлый день Рождества Твоего чистым сердцем разумети и памятовати, с коликою радостью и благодарением неплодная утроба святых праведных Анны носила Тебя, да и мы не точною словесью, но наипаче делами своими выину будем со умилением сердечным прославляти Тебя, вопиюще: слава Рождеству Твоему, Чистая; слава девству Твоему, Мати Безневестная. Купно же с Тобою сподоби нас непрестанно славити и величати Всесвятый Плод Твой, Слово воплощено, Ему же слава подобает, честь и поклонение, со Безначальным Его Отцом и с Пресвятым и Благим и Животворящим Его Духом ныне и присно и во веки веков. Аминь.